

Baselbieter-Heiri

Die ganzi Wält isch krysechrank!
Mir singe z' Trotz d'r Schnitzelbank!
Wänn bess'ri Zyte Rose bringe
Cha schliesslig jede Dubel singe,
Mir sy doch hätt nit zämecho
Für um d'r Lämpje hange z'loh;
Am beschte alls furt vegetiert
Wär d'r Humor nit verliert!

Ich das nit e Schnitzelbänkli?
I glaub die mache Rinkli-Ränkli!
Bueb, heb di schtill, du bisch noh z'jung!
Das isch doch d' Vereinigung!
Jo dä Helge will bedütte:
S' Lysi g'hört scho d' Glogge lütte
Und geseh wie sich d'r Beppi schtellt,
Sich d' Liebi an de Chnöpf abzellt!

S'nächst Johr am Versöhnigsfescht
Sy d' Baslergrossröt Ehregescht.
Die wei im Sprung dur Wald und Flur
Vo do uff Lischtel und retour!
Statt e Feschtspiel z'arangschiere
Wei d' Basler lieber usprobiere
Öbb si no so g'flinggi Bei
Wie vor hundert Johre hei!

Im Grossrot sy isch gwüss en Ehr!
Dört wetti einisch au in d' Lehr!
Was wit leht du im Grossrot lehre?
Du hesch jo scho e frächi Röhre!
Und zaedem chunt d'r g'wöhnlig Ma
Im Gros-rot überhaupt nit a,
Denn dört hetts numme Lätt d'rby
Wo zu allem fähig sy.

Zwei Komunische hei absurd
Mit bezopfte Burschwass g'schmurt;
Sufft d'r Mönch ass wie ne Schwyn
verreckt die schönste Disziplin.
D' Partei heit gseit: Zur Strof, dir Lämmel
Kuriert me n' euch mit Moskauchümmel!
Sythür b'haupte g'schtyff die Zwee:
S'gäb vom Wutki s'Ranzeweh.

Ich das nit e blutte n' Arm?
Do drüber wird dä Brueder warm!
Däm gseht me's a, das isch d'r wahri,
Keus-hi Josepp als Vikari!
Meiteli wenn du turne witt,
Reiz m'r dä Vikari nit,
Süsch bekunnt das Unikum
Zlescht noh s'Dillielirium!

Im Eglisee, oje! Hoje!
D' Grossmuetter hei mir im Hemmli gseh!
Si hett bym Bade alls furt grunne:
Luog Männi jetz machi e Jugedbrunne!
Und d' Nazitante hett erfrait
Säll Wasser in Prozänt z'rlait;
Si findets gsund fir Jung und Alt,
Vo wegenem Vitamingehalt.

Euse Felix schiffet jetz afe
Zum feufte Mol in Ehehufe.
Zum feufte Mol, s'isch allerhand,
Do bruchts Gurasch, mehr ass V'schtand!
Sy Genius wird halt notisnoh
Welle d' Fäkte hange loh,
Do gitt die Muse hold und jung
Däm Fülü wieder Ffür und Schwung!

Schlussobe nit vergässe!
